



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Lucae Opalenii. Marsalci Curiae Regni Poloniae. Seu  
(Anagrammatice.) Pauli Næoceli De Officiis Libri Tres**

**Opaliński, Łukasz**

**Amsterdami, 1668**

Appendix Libri Secundi. De Amicitia.

[urn:nbn:de:hbz:466:1-46825](https://nbn-resolving.org/urn:nbn:de:hbz:466:1-46825)

constituti effectu ; partim deniquè in temperamento ejusdem , tribus prout promissi Capitibus , ostensa sunt : atque demonstrata.

## APPENDIX LIBRI SECUNDI.

*De Amicitia.*

*Explicata universali charitati.*

*Amicitia etiam qua inter paucos merito tractanda.*

Post deductum explicatumquè Charitatis munus , supervacaneus forsan hic Tractatus de *Amicitia* videri poterit. Eò quòd per illam , (inquit Cicero) adeò contracta est res , & adducta in angustum ; vt omnis Charitas , aut inter duos existat , aut inter paucos : *Dilectio verò Christiana diffusa* ( vt Apostolus ait ) in cordibus nostris , angustias istas minimè patitur : & se extendit ad omnes : Attamen cùm hæc tam universalis , præter conatum & bonam voluntatem , vix ferè aliud præstare possit ; Ea verò quæ cum paucis intercedit , faciliùs frequentiùsq ; implet officium ; Ideo non abs re erit , celebre hoc amicitiaè munus , & nomen , non præterire : Et , Appendicis saltem loco attexere , quæ de illâ præcepta traduntur. Ita & Christianâ illâ eximiâ charitate , ( quæ omnibus omnia ) imbutus animus , voto & studio dilatabit viscera sua : quotiesquè fuerit modus , factis exeret : Et per amicitiam , ex totâ quam amare tenemur societate , generis humani , fecer-

secernet sibi quosdam : conjunctione ac Consuetudine magis intimâ. Vt fructum nempe mutuæ dilectionis, quem nec facile præstare cunctis, nec ab omnibus habere exactè potest, à paucis saltem plenè capiat, iisdemq; vicissim rependat.

*Amicitiam itaque definitio : vt fit mutua* *Definitio*  
*Constans ac beneuola animorum sibi similitum* *eius*  
*in bono consensio* Ex definitione hac, & origo & proprietates eius vera, patet. *Origo ex*  
 enim; est *similitudo animorum*: cum nempe *similitudine.*  
*ingenio, iudicijs, studiis, moribus* denique congruimus : tum facile suam quisque naturam in alio diligit : & vt compari gaudet : fruiturq;. Nil verò est hac consensione iucundius : nil quod illiciat, quod ad se attrahat, imò quod rapiat magis.

Conciliatrix itaque amicitiae est *similitudo* *Conservatio ex*  
*do* : sed haud firma ac diuturna : nisi accedat *virtute.*  
 proprietates in definitione posita, vt nempe, sit *in bono*. Vt enim similitudo gignit amicitiam; ita protectò *virtus* sola eam educat, continet, conservatq;. Vnde certum est, non posse eam veram esse, nisi inter bonos.

Si enim *ex similitudine vitiorum* aut *crimini*, oriatur; ea non amicitia erit, sed *Non potest esse inter malos.*  
*factio : conspiratio : sceleris societas* : & exinde brevis tantum, temporis & *necessitatis*  
*causâ*, inita conjunctio : per quam cupiditatum vicissim ministri & adiutores fieri

H 2                      possunt:

possunt : verè amici nullo modo possunt. Quin imò, infida hæc improborum confensio, quam non amor, sed facinus jungit & æquat, in acrem discordiam facile mutatur. Nempe, dum scelus admittunt, superest constantia: eo peractò, incipiunt invicem abhorrere, & se mutuò odissè.

Si deinde *amicitiæ* proveniant *ex utilitate* tantùm, commodo, rebusquè *exterioribus*; & si eatenus colantur, quantum *proconstat.* sunt; Ejusmodi primùm *instabiles sunt* & infirmæ: dum, quod utilitas conglutinat, eadem commutata, ac cessans, dissolvit. Deinde, *subdolâ simulatione tectæ*, & fiduciam mutuæ benevolentix non habent: & omnia semper iis suspecta: & suspensa: denique vel in occultam invidiam, vel æmulationem ac contentionem apertam, ac demum in dissidium vertuntur. Tales plerumquè sunt *forenses illæ ac fucatæ familiaritates.*

Si deniquè *ex vano lenocinio Consuetudinis*; ac consecratione communionequè *Nec lenocinio consuetudinis.* eorundem sed levium inaniumquè studiorum, ineantur; Fastidium mox sui, nullo firmo nixæ fundamento adferunt: & amicitiæ nomen non merentur, sed *sodalitii levis*: sola conversatione, non autem amore vero sociati.

Necessariò itaque consequitur, ut *inter bonos*

*bonos tantum sit Amicitia.* Primùm ; quia *Denique*  
 amor amicitiae parens est , amoris autem *non est ni-*  
 causa , bonitas vera. Deinde ; quia dotes *si inter*  
 Charitatis , quas hoc libro deduxi , bonis *bonos.*  
 tantum insunt. Denique : quia viri boni  
 causas dissolutionis ac diffidij non habent :  
 quas vitia & potissimum avaritia & Am-  
 bitio adferunt : pestis vtraque amicitiae.  
 Ideoque soli *eam colere summâ fide* , Chari- *Verè ta-*  
 tate , Constantia , Justitiaque possunt. At- *les præ-*  
 que ita præceptis opus non esset , si inter *ceptis*  
 verè bonos amicitia esset. Sed cum vitarent. *non ege-*  
 hæc communis, in qua versamur ; & Con-  
 ditio humana , adeo non habet verè & *Sed in*  
 perfectè bonos , vt *optimus ferè censendus vita com-*  
 sit , qui minimè malus : Ideo , viros eximie *muni*  
 bonos voto expetere ; quales verò fors *egent.*  
 communis fert , oportet recipere. Itaque  
 constituendæ , colendæ , retinendæ , & ( si  
 ita aliquando vera necessitas tulerit ; ) de-  
 ponendæ amicitiae , præcepta proponam.

*In constituenda Amicitia , iudicium exac-*  
 tum requiritur. Illud enim dictabit ; Pri- *Præcepta*  
 mùm ; *amicorum delectum* : vt capias nem- *constitu-*  
 pe probos : similes tui , seu pares : tum *enda a-*  
 verò opportunos. *Moram* deinde : *ut in-* *amicitiae.*  
*grediaris , non irruas in Amicitiam.* Crescat *primum*  
 lentâ consuetudine benevolentia. Et, quod *iudicium*  
 proverbio tritum est , multum falis con- *Mora*  
 sumas , antequam arctè contrahas. *deinde.* Fir-  
 mum denique Propositum : ut amicitiam,

*Firmum demum propositum.* quam studio perspecto, & consuetudine adjuncta susceperis; *constanter conservare statuas.*

*Præcepta colendæ amicitia.* *Ad colendam Amicitiam*, primùm facit *vicissitudo officiorum*. Quæ mutuò & libenter sunt impendenda: iisque se vincire decet, & arctiùs adstringere: sed cum hoc monito ut dicitur, *ad aras tantùm*. Et hæc lex in amicitia sanciat: ut neque rogemus res malas, inhonestas, iniquas: neque faciamus rogati. Virtutum enim schola ac Palæstra, esse debet amicitia: non vitiorum officina: Mater & Nutrix Probitatis: non Cupiditatum ministra. Alter amicitiaæ cultus, est *Beneficentia*: quæ opitulatur: & rem confert. Eam verò nec flagitare decet. Nec ut flagiteris; expectare. Promptè & ultro deferri debet: Et propensiores esse debemus ad largiendum, quàm ad reposcendum: ut hæc inter bonos honesta sit certatio: uter alterum benefaciendo superet. Tertiò coluntur Amicitiaæ, *consensione voluntatum ac iudiciorum*. Nam cum Amicitiaæ vis sit in eo; ut è duobus unus quasi animus fiat: id obtineri profectò non potest, nisi omni dissensione inter amicos sublatâ. Ea verò, ut tollatur; aperire sibi mutuò amici debent, pectus purum: candidum: simplex: &, ut iudiciis consentiant; fociare vitæ consilia: eaquè fidenter, & dare: & expetere. Cæterùm

*Ex beneficentiâ.*

*Ex consensione voluntatum.*

terùm cavendum est : ne ex assentiendi <sup>Sed sine</sup>  
 consuetudine, assentatio, quæ vitiorum <sup>assenta-</sup>  
 adjutrix est, subrepat : imponatquè no- <sup>tione.</sup>  
 bis. Et, ne censura locum suum in amicitia  
 amittat : quem profectò obtinere debet.

Nam monere ; & moneri, proprium amici-  
 tiæ. Alterum ; ingenuâ quâdam, non <sup>Et cum</sup>  
 acerbâ, nec asperâ facere decet libertate : <sup>censura</sup>  
 alterum ; non repugnanter, sed benigne <sup>prudenti.</sup>

acceptare : & non aliter ; quàm dum seip-  
 sam mens admonet : atque redarguit. I-  
 taquè sicut rigor nihil indulgens ; ita adula-  
 tio, procul sit Amicitia : quæ constans & <sup>Quæ de-</sup>  
 una semper, nil patitur varium : & fictum. <sup>scribitur.</sup>

Nihil verò potest esse tam flexibile, tam  
 devium ; quàm animus ejus, qui ad alte-  
 rius non modò sensum & voluntatem, sed  
 etiam vultum, nutumquè convertitur.

Supersunt præcepta retinendæ ac con- <sup>Præcepta</sup>  
 servandæ constanter amicitia. Difficilli- <sup>retinendæ</sup>  
 mum enim est, eam ad extremum usque <sup>amicitiæ.</sup>  
 diem perducere : & tam multa ei impen-  
 dent ; ut ea subterfugere, non modò sa-  
 pientia, sed etiam felicitatis, res esse vi-  
 deatur. Retinetur tamen ; primùm conni-

ventiâ & dissimulatione levium vitiorum. <sup>Connive-</sup>  
 Dum, quemadmodum Parentes liberis <sup>re ad le-</sup>  
 modica ignoscunt ; nævos eorum vel ipsi <sup>via vitia</sup>  
 non vident ; vel coram aliis tegunt ; non <sup>oportet.</sup>

acriter de ingeniis eorum judicant ; sed  
 sæpe aberrant ex amore ; Ita & nos, vel-

lem, in amicitia, sic erraremus: & isti Errori, nomen virtus posuisset honestum: Non damnare, inquam, amici mores oportet: sed quandoque *benignâ interpretatione lenire*. Exempli causa. *Parcius hic vivit; frugi dicatur. Plus æquò liber; rectus fortisque habeatur. Iracundior est paulò; acres inter numeretur.* Profectò hæc res, & jungit, & junctos servat Amicos. At nos virtutes ipsas invertimus. *Probus quis nobiscum est; multum demissus & abjectus dicitur: pro benefano ac non incauto; fictum astutumque vocamus: simplicior quis; Comuni sensu plane caret: inquitur.* Eheu quàm temere in nosmet, Legem sancimus iniquam. Nam vitii sine, nemo nascitur, optimus ille est, qui minimis urgetur. Vitia, inquam, erunt; donec homines. Sed neque hæc continua: & sufficit, si *meliorum interventu pensantur*. Statuenda itaque est, & appendenda velut libra, ac statera quædam: in quâ, *si vitii amici, bona præponderant; affectu erga eum inclinemus*: idem & Nos ab eo habituri. Atque ita, libratis & toleratis utrinque moribus, facilè amicitia retinebitur. Eòdem facit; tempestivè prævidere, alia: quæ amicitia evenire solent incommoda.

*Prævidere tempestivè opus* Dirimit enim eas sæpe, ingenii humani morumque mutatio: quam ut plurimum fortunæ vel prosperæ, vel adversæ, adfert

varietas. Tum verò etiam ; cùm incidit *amicitiæ*  
tempus : ut non idem utrique amicorum *incon-*  
expediat. Denique aliquando faties quæ *moda*  
dam capit: cùm omnia inter se profuderê:  
& nihil est reliquum ; quod à se vicissim *Quæ re-*  
expectent, requirantve. Hæc talia, inquam *consen-*  
maturè sunt prævidenda : & contra ea, pa- *tur.*  
randa in animo præsidia ; constantis bene-  
volentia. Quam ipsi ultro primiquè ad-  
feramus ; securi mutuæ vicis. Nam hoc *Amoris*  
profectò philtum amicitia: ut *si velis* *illicium*  
*amari; primus ames.* Contra quam faciunt *amor.*  
plerique: qui perversè, ne dicam impu-  
denter, *amicum habere volunt, quales ipsi*  
*non sunt.*

*Quod si tale quid evenerit ; ut necessa-*  
riò continuatio ac velut  *cursus amicitia si-* *Præcepta*  
stendus sit ; Tum verò  *danda est opera, ne de amici-* *deponen-*  
*in odia discordiamquè desinat. Consuetudo tæ.*  
*potiùs conjunctioquè, quàm benevolentia cesset.*  
*Dissuendæ amicitia magis ; quàm discinden-*  
*dæ : extinguendæ ; non opprimendæ :*  
& deniquè  *familiaritates sint depositæ ; non*  
*inimicitia susceptæ.*

Hæc ferè sunt ; quæ ex Cicerone po- *Conclu-*  
tissimùm, sed in ordinem certum reda- *ditur hic*  
cta, de amicitia dicenda habui. Cæterùm, *locus.*  
cùm ea sit amicorum raritas, quam per-  
hibet authoritas veterum : vix aliquot pa-  
ria veræ amicitia numerantium: Ea verò  
fit ejusdem, non utilitas necessitasquè

*Cum ad-* tantum; sed suavitas etiam ac dulcedo;  
*hortatio-* ut verè eam, huius vitæ unicum condi-  
*ne.* mentum ac delitium vocare possis: Pro-  
 fectò tanto majori curâ studioquè procu-  
 randa, colendaquè est: & censendum:  
*miserrimam omnino vitam ejus esse: qui nec*  
*diligat quenquam, nec ab ullo diligatur.* Con-  
 tra verò, beatam eius: qui habet, cum  
 quo fruatur prosperis rebus: & adversas  
 mutuâ ope ferat.

